



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. IV. An sine apprehensione corporali hæres acquirat possessionem rerum
hæreditiarum?

[urn:nbn:de:hbz:466:1-73001](#)

malæ fidei: secundò: existimans, sibi competere jus exercendi talem, & consequenter debitum, ut in eo exercitio non impediatur, ad hoc existimandum inductus his, vel similibus motivis, & rationibus: si fama vicinæ est de debito talis actus; si sunt indicia, vel signa, commune iter, vel saltem vicinæ; si Antecessor pariter eodem exercitio usus est &c.

1002. In primo casu per usum, ac exercitium *malæ fidei* videtur non posse acquiri possessio juris, nisi dominus, qui potest concedere, vel impedire, non impedit, etiam in casu, quo alter talem usum tanquam debitum prætendit; tunc enim videtur conseruire, ac illi jus constituere: 2. si dominus quidem tentet impedire, sed inefficaciter; puta, si alter opponendo se, vi prævaleat; & iste, cum possit, intentando actionem contra illum non resistat, & quasi animo deposito talem in usu relinquit; tunc enim quoad talem usum deinceps respectu illius Invasoris, videtur rem derelinquere; quo casu possessionem juris, impediendi alios à tali usu, amittit; & alter, etiam juris dispositione subintrat: ubi autem usus & exercitium fit bona fide, non usus, sed jus, & lex possessionem tribuit.

1003. Dubitati præterea potest, an, & qualiter possessor, à rei domino vocatus in judicium, ut à tali usu vel exercitio desistat, vel possessionem justam prober, id docere teneatur? Ad 1. partem responsio est affirmativa, ne scilicet habeatur tanquam injustus, & malæ fidei possessor; ad 2. Resp. possessionem *justam*, seu *bona fidei* ab eo sufficienter probari, si doceat, se talem usum, ac exercitium, tanquam sibi debitum, fecisse, persuasum ex illis, vel similibus motivis, de quibus n. 1001. Notandum autem, possessori seruitutis, vel itineris, tanquam sibi debiti in alieno fundo, non obstat, esto fundi dominus ei objiciat, quod integro anno non sit usus itinere per talem fundum; si allegatis possessionem doceat, se quidem hoc anno non esse usum tali itinere propter impedimentum, v. g. inundationem; usum tamen anno præcedente saltem 30. diebus, idque ex cit. L. 1. §. Si quis. ff. de itinere, actuque privato, ibi: potest repetita die hoc interdicto uti per integrum restitutionem ex illa parte (id

An sine apprehensione corporali hæres acquirat possessionem rerum hereditariarum?

Q. IV.

V Idetur affirmandum. 1. quia *hæreditas*

1004.

est successio in universum jus, quod habuit defunctus: atqui *possessio* est jus, ut patet ex dictis; nam licet ejus inchoatio in facto consistat, in conservari tamen dicit jus detinendi rem semel possessam; ergo etiam hoc jus transmittetur una cum aliis ad hæredem. Deinde, hæredi prodest *possessio* defuncti, quæ per continuationem servit ad absolvendam usucacionem, §. *diutina. Institut. de usurap.* atqui non prodest, si non transmittetur, quia non continuaretur *possessio*; ergo transmittitur *possessio* non minus, quam Dominium aliarum rerum: tertio, hæres in usucacionem succedit, L. *cum miles 30. ff. ex quibus causis major. in integr. restit.* & ratio redditur in textu, ibi: *quia possessio defuncti, quasi juncta, descendit ad hæredem, & plerumque nondum hæreditate aditâ completur: quartò, Pater, & filius una eademque persona esse censentur: ergo si Pater possedit, censetur filius possidisse.*

Dicendum tamen negativè cum *Co-*

1005.

varr. Variat. resol. 3. Gail. l. 2. observ. 129.
& 159. & alii. Prob. 1. ex L. 30. §. 5. ff.
de acquirend. possess. ibi: quod per Colonum possideo, hæres meus, nisi ipse natus possessionem, non poterit possidere: & additur ratio generalis, desumpta ex conceptu possessionis: retinere enim animo possessionem possimus adipisci non possimus. *Prob. 2. ex L. i. §. 15. ff.* *H*is, qui testamento, ibi: *possessionem hæreditas non habet, quæ facti est, & animi: sed nec hæredis est possessio, antequam possideat; quia hæreditas in eum id tantum transfundit, quod est hæreditatis: non autem facit possessio hæreditatis.* Ex his legibus universalis ratio deducitur pro sententia negante: nam hæres per hoc, quod talis sit, nihil acquirit, nisi quod est

est hæreditatis; sed possessio non sicut hæreditatis; quia possessionem hæreditas non habet, cùm sit facti, & animi: ergo.

1006. Ad rationes in contrarium in n. 1004. Resp. ad 1. cum distinctione maj. hæreditas est successio in universum jus *transferibile*, quod habuit defunctus, C. ma. in universum jus etiam *intransferibile*, N. ma. dist. min. sed possessio est jus, *intransferibile*, C. min. *transferibile*, N. min. & conseq. Si enim hæres succederet in jus defuncti etiam *intransferibile*, posset se ipsum hæredem scribere; quia defunctus habuit jus, ipsum scribendi hæredem; possessionem porrò *bonorum*, quæ transmittuntur ad hæredem, non esse jus *transmissible*, ex eo constat; quia sic non minus hæres extraneus, quam suus, vel necessarius, hoc ipso rerum hæreditiarum evaderet possessor sine omni suo facto; quod nec contrarii admittunt, & repugnat juribus præced. num. allatis.

1007. Ad 2. Resp. 1. totum argumentum posse instari in hærede etiā extraneo, cūm & huic pro sit possessio defuncti in ordine ad continuationem usucaptionis, quin eo ipso etiam sine suo facto evadat possessor rerum hæreditiarum: atqui hoc non admittit opinio contraria; ergo. Resp. 2. N. min. quia in eo casu *non apprehensione rei* hæreditariz continuatur in hærede possessio in ordine ad usucapiendam rem alienam bonâ fide possessam à defuncto; sed solum *speciali juris dispositione*, ut constat ex L. 44. Q. 1. ff. de Usucap. ibi: *nondum ad ita hæreditati tempus usucaptioni datum est, siue servus hæreditarius aliquid comparat, siue defunctus usucapere cœperat.* Sed hæc jure singulari recepta sunt.

1008. Deinde, aliud est possessio bonorum hæreditiorum, quæ à defuncto transmittuntur ad hæredem, tanquam *propria*; aliud, possessio bonorum *alienorum*, quæ bonâ fide continuata, nondum tamen quoad tempus completa est à defuncto; hæc possessio est inter bona defuncti; non illa; nam hæreditas possessionem non habet, quæ ipsa bona hæreditaria possideat; nam per ipsam ea non possidet, sed possidetur; at per alteram possidet bona aliena; quo posito Resp. 3. dist. ma. Hæredi prodest possessio defuncti, per quam à de-

functo possidebantur bona hæreditaria. N. ma. per quam à defuncto possidebantur bonâ fide bona aliena, C. ma. dist. min. atqui non prodest, si non transmittetur ea possessio, per quam à defuncto bona fide possidebantur bona aliena, C. si non transmittetur ea possessio, per quam à defuncto possidebantur bona hæreditaria, N. min. & sub data distinctione consecr.

Ad 3. respondent aliqui 1. idem argumentum instari in hærede extraneo; 2. alii, ibi *possessionem accipi pro usucacione* jam completa: Resp. in forma, dato anteced. quod hæres succedat in usucacionem; & dist. verba legis: possessio, quæ defunctus bona fide possedit bona aliena, descendit ad hæredem. C. quæ possedit bona propria, quæ veniunt nomine hæreditatis, N. non igitur recte sit argumentum ab illa possessione ad istam; cūm illa fundetur in jure singulare ex n. 1007. & consequenter sit diversi juris; à diverso autem ad diversum illatio nulla est.

Ad 4. Resp. cum distinctione: Pater, & filius, una, eademque persona esse cententur, per ordinem ad eos juris effectus, in ordine ad quos jus, illam *juridicam identitatem* *tingens*, istam porrigit, C. secus, N. antecedens, & suppositum conseq. quod illa identitas facta juris dispositione porrigatur ad possessionem, quæ defunctus bona sua possidebat, ut hæc possessio sine ullo facto, transiret ad hæredem; contrarium enim constat ex iuribus in n. 1005. relatis: at, quod possessio, quæ bonâ fide possidebat bona aliena, juris dispositione, ac jure singulari, transferat ad hæredem, constat ex jure relato n. mer. 1007.

§. V.

Qualiter infans acquirat rerum possessionem?

A Nte resolut. nos. 1. diversum esse; tunc quod infans acquirat possessionem alicujus rei per Tutorem; aliud, auctore Tutore; istud contingit; quando voluntas pupilli intervenit, & Tutor ejus voluntati acce-